



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Tutor & curator.

urn:nbn:de:hbz:466:1-40647

videndus; de industria quaesitus totus erit principis, *ibid. ref. 14.*

Sciens thesaurum latere in aliquo fundo, an illud emere possit pretio currenti. Aliqui negant, aliqui affirmant. Auctoris sententia.

Si quis in fundo latere thesaurum scit, non potest licite pretio currenti emere illum fundum secundum Hurtadum ex Angelo, Armilla, & Tabiena; sed posse D. Tho. Bannes, Salon, Aragon, & multi alii insignes Doctores affirmant; sed Auctor noster hunc Theaurum ex aequitate inter venditorem, & emptorem aequaliter dividendum esse docet; at si aliquis absolute vellet opinioni D. Thoma, & aliorum adherere, securus licet in conscientia, *ibid. ref. 15.*

Pecunia abscondita, & inventa, qua thesaurus non est, quibus reddenda sit.

Pecunia abscondita, & inventa, qua proprie thesaurus non est, de cujus possessore adhuc extat memoria illi vel heredibus, si extant, restituenda est, & si non extant, eo modo quo alia bona incerta, reddendam esse docet Rebellius. Sed noster Diana cum Berlichio ait in templo per ministrum Ecclesiae, vel publicum praconem, vel libellum inventor proclamari faciat, se invenisse pecuniam, & vero domino redditurum, quo non comparente licite potest sibi retinere, nec tenetur alteri tradere, licet dives sit, neque pauperibus erogare, contra doctrinam Sylvii, qui mordicus tenet quod factis promulgationibus, affixis schedulis, & si quid aliud addi possit, non fieri inventoris, sed erogari debere in pauperes, piae causas. *ibid. refol. 16.*

Vena auri, &c. ad fiscum pertinent. Princeps statueret potest, quod thesauri sibi pertineant.

Vena auri, & argenti, & plumbi hodie ex *L. Regni 2. tit. 13. lib. 6. recopil.* pertinent ad fiscum, & regiam coronam, deductis expensis, aliqua parte data inventor, & domino agri, ubi plura de hac materia *ibid. ref. 17.*

Potest à Republica, vel Rege constitui lex justa, ut omnis Thesaurus etiam repertus in proprio agro alicujus Civis pertineat ad Regem si necessitas id postulet; quia licet thesaurus sit primum occupantis secundum jus naturae; tamen in quantum communia erunt, possunt appropriari per Principem, prout judicabitur expedire communi bono; nam quae in nullius bonis sunt, communitatis sunt, debentque

bono communi deservire; & licet hoc videatur durum Lessio, ut thesaurus per legem, vel consuetudinem totus applicetur Principi, tamen ipse faterur hoc non esse improbabile; attamen in quolibet Regno legem receptam, aut legitimam consuetudinem servandam esse consentaneum est. *ibid. ref. 18.*

TUTOR, ET CURATOR.

1. † Tutor est, qui datur orphano impuberi ad tuendam personam, & secundario etiam bona: Curator vero, qui datur puberi minori ad servanda bona, & secundario etiam personam. † Uterque potest facere eleemosynas moderatas de rebus minorum, ut dicitur est *V. Eleemosyna, n. 19.*

TUTOR & Curator qui sint

2. Caeterum vota minorum ante pubertatem emissa tutor irritare potest, ut dicemus *V. Voti, num. 26.* De curatore autem dubium est, & Suarez de Relig. *tom. 2. lib. 6. c. 6. nu. 25.* negat; quia gubernatio curatoris est ad bona minoris, non ad personam; *L. in copulandis, 9. C. de nupt.* tum, quia conditio implicita in votis impuberum est, si placuerit patri, & eo defuncto, tutori; non autem si placuerit curatori. Adde, quod Alcocer *in sum. c. 16. concl. 6.* & alii docent, neque patrem irritare posse vota filiorum impuberum post pubertatem. Sed ego teneo cum Sanchez *in sum. to. 2. l. 4. c. 30. nu. 5.* & aliis, posse: quia pater irritare potest vota & juramenta impuberum, etiam post pubertatem, ut *ibid.* dicemus: ergo etiam curator, qui filio puberi loco patris substituitur. Nec refert, quod curator detur primario ad regimen rei familiaris: nam secundario datur etiam personae. Advertit etiam Palaus *tom. 3. tract. 15. disp. 2. punct. 3. § 3. num. 7.* quod si mater curatoris officium exerceat, idem de ea, ac de aliis, dici debet. Secus, etiam si puber nullos habeat curatores, vota irritare non posse; quia ut mater est, nullam filiorum puberum curam exerceat, *part. 6. tract. 8. refol. 12.*

An uterque possit vota irritare.

Et à quo da-
ri debent
Clerico mi-
nori?

3. Clerico minori, vel mente capto, tutor, aut curator à iudice Ecclesiastico dari debet. Cabedo *in clem. 1. de off. ord. reg. 4. fall. 26. contra Aufertium p. 1. decis. 80. nu. 2. 29* Nota tamen, quod si Clericus minor litigat coram iudice seculari tamquam actor, is dare ei poterit curatorem: & inventarium Clerici mortui relinquentis pupillos, à iudice laico faciendum esse, *p. 1. t. 2. ref. 95.*

VASA SACRA.

CALIX & patena.

Si quis in eis celebret, remanent consecrata.

Et probabile est, quod si noviter deaurantur, non indigent nova consecratione.

1. † Vasa sacra sunt Calix, patena, pyxis, & custodia, quæ immediate tangunt sacram synaxim, Ex his, Calix & patena debent esse consecrata, priusquam in Missa intervenire possint. † Sed probabile est & tutum in praxi, quod si sacerdos semel in eis non consecratis bona fide celebraret, remaneret consecrata: quemadmodum ait Palaus *de leg. 2. disp. penult. c. ult. remanere reconciliatam Ecclesiam pollutam, si quis in ea celebret. Et ratio est, quia ubi semel tangunt corpus & sanguinem Christi, non possunt esse amplius prophana. Niger add. ad Ruiz p. 6. animad. 8. num. 4. Quamvis contra sentiat Eminentiss. Lugo in 3. p. 10. 2. disp. 20. sect. 4. n. 91. p. 2. t. 14. ref. 69. & p. 5. t. 13. ref. 60.*

2. Si calix & patena noviter deaurantur, eo quod aurum antiquum usu consumptum sit, Suarez in 3. p. tom. 3. disp. 81. sect. 7. & DD. communiter dicunt, debere iterum consecrari, quia consecratio fit propter contactum, id autem quod in hoc calice proximè tangit, est aurum recens. Contrariam sententiam docuit Coninch *de sacr. qu. 83. art. 3. dub. 3. nu. 246.* Quamvis Reginaldus *tom. 2. lib. 29. c. 9. sect. 6. num. 199.* existimaverit periculosam, ego probabilem existimo cum Layman *lib. 5. tr. 5. cap. 6. n. 7.* quia calix manet idem, ergo manet consecratus, & aurum superadditum per superadditionem consecratum fuit: sicut cum Ecclesia paulatim reficitur, lapides superadditi consecrantur, Nec

verum est, quod ait Suarez, aurum superadditum ratione contactus esse partem principalem calicis; nam si ita esset, calix noviter deauratus non esset idem, qui erat; & detracto auro, destrueretur in ratione sacrificii, sicut destruitur quoad consecrationem Ecclesia, si præcipua pars parietis corrui: quæ tamen communiter negantur, *p. 2. t. 15. ref. 3.*

3. Pyxis non debet necessariò benedici, quia nullum jus id strictè præcipit, *An Pyxis benedici de- babile, p. 10. tract. 11. resolutione 2. De beatis mappis verò nec omninò certum, an necessario benedici debeant, ibid. resol. 5.* in Pontificali verò ejus benedictio ponitur, sicut ponuntur benedictiones campanarum, ornamentorum Altaris, &c. Ita Vasquez in 3. p. disp. 235. cap. 4. num. 36. Qui tamen putat, in pyxide poni debere corporale benedictum, in quo immediatè Corpus Christi servetur: quemadmodum servatur in Missa super Altare, ad representandam sacram synaxim. Sed hoc reprobatur Nugnus in 3. p. tom. 1. quæst. 83. artic. 3. dub. 5. & consuetudo est in contrarium. Nec paritas obstat, quia, plura requirit Sacramenti consecratio, quam conservatio, *p. 2. t. 15. ref. 2.*

4. Vasa sacra & vestes, manentes in sua forma, in prophanos usus convertite, est mortiferum sacrilegium *c. ligna vasa sacra distinct. 1.* Si verò mutetur forma non est amplius consecratus; nam calix, v. gr. qui formam amisit, jam non est amplius consecratus: ergo prophanari potest. Ita Palaus *tom. 2. tract. 8. disp. 1. punct. 6. num. 25. contra Azorium p. 1. lib. 9. c. 9. quæst. 7.* At decentissimum res semel usui sacro dicatas, numquam prophano usui deservire, *part. 5. tract. 13. ref. 76.* Tangere verò vasa, & vestes sacratas, ut calicem, patenam, & corporale, laicis peccatum est, *part. 10. tract. 12. resol. 2.*